

Retningslinjer for følgjekort

(vedtekne av utvalet for oppvekst og omsorg 01.06.2004 i sak 010/2002)

Retningslinjer for Samnanger kommune, gjeldande frå 01.09.2004:

1. Formål

Ordninga med følgjekort skal vere eit verkemiddel for å førebyggje isolasjon og dermed medverke til auka livskvalitet for den funksjonshemma. Ordninga med følgjekort vil omfatte personar som har ei funksjonshemming som vil vare minst 2-3 år. Ordninga vert vedteken og administrert av bustadkommunen, men er gyldig for heile landet.

2. Funksjonshemming

Med funksjonshemming meiner ein at det er eit mishøve mellom individet sine føresetnader og krav frå miljøet og samfunnet si side til funksjon på område som er vesentlege for å etablere og halda ved lag eit sjølvstendig og sosialt tilvere.

3. Følgje

Følgje er den som til ei kvar tid er med den funksjonshemma for at denne skal kunna oppnå målet med ordninga.

4. Følgjekort

Eit følgjekort er eit dokument i form av eit kort som vert skrive ut til den funksjonshemma. Følgjekortet skal gje den funksjonshemma sitt følgje fritt tilgjenge til offentlege kultur - og fritidsarrangement som den funksjonshemma ikkje kunne ha delteke i eller nytta utan følgje. Følgjekortet vert skrive ut gratis, og nedre aldersgrense for søkjar er normalt 8 år.

5. Søknad

Den funksjonshemma søker Samnanger kommune på fastsett skjema om følgjekort. Søknaden skal innehalda passfoto. Samnanger kommune føreheld seg retten til å be om uttale frå lege / spesialist eller kommunen sin helseteneste dersom det er tvil om søkjar treng følgje.

6. Periode

Tildelingsperioden for følgjekort er 5 år. Det står på kortet kor lenge det er gyldig. Du må sjølv syta for ny søknad når kortet er gått ut på dato.

7. Bruksområde

Følgjekortet gjeld som tilgjenge til aktivitetar, bygningar, med meir som aksepterar ordninga. Det offentleg fastsette symbolet skal vera sett opp på stader

som aksepterar ordninga. Ordninga er landsdekkande og kan brukast over kommune - og fylkesgrensene.

8. Klage

Vedtak om å innvilga eller avslå søknad om følgjekort vert å sjå på som enkeltvedtak. Dette vedtaket kan med heimel i Forvaltningslova §28, 2. ledd klagast inn til det kommunale klageorganet.